

յողուտ սահմանադրութեան: Կառավարութիւնը տատանում է ձեռք առնել լճակիան միջոցներ: Զօրքերին հրամայուած է խոյս տալ ընդհարումներին: (Ռ. Ս.)

Թաւրիզ, 5 Նոյեմբերի

Այսօր Էյն-Ուղ-Դօվլէի բանակն են հասել 200 բախախարներ: Յեղափոխականների խուզարկու խմբերը անցել են Էյն-Ուղ-Դօվլէի ետևի կողմը: Վիլի-Ջիմէյդում, մուշտէիդների իջեանում, բռնուած են երկու ֆիդայիներ: Նոյնը տեղի է ունեցել նաև Բառմինջում: Էյն-Ուղ-Դօվլէն ուղարկեց առաջին շրջապաշտ խումբը՝ կողակներին: (Պ. Բ.)

Թաւրիզ, 31 հոկտեմբերի

Բողոքներ Մուժամբարի դեպքերի առթիւ: Մուժամբարից եկած նոր սուրհանդակները, ինչպէս և երեկ ճանապարհուած՝ խմբի գրած նամակները հաստատում են երեկ առաւօտեան ստացուած լուրերը. Գիւղի մի մասն թալանուած է: Կրեկուայ գնացած մօտ 50 հոգինոց խմբից բացի, այսօր ևս Մուժամբար ճանապարհուեց սահմանադրականների 30 հոգինոց հեծեալ խումբը: Գնալ ցանկացողների թիւը շատ է, բայց այսբանն էլ բաւարար է համարւում: Այսօր, վաղը մեծ կռիւ է սպասւում այնտեղ:

Թեմական խորհուրդն էլ իր տեսակի օգնութիւնն Մուժամբարին հասցրած լինելու նպատակով, երկու պատգամաւոր է ուղարկել, այսօր Վասպինջ՝ Էյն-Դօվլէի մօտ, բողոքելու գիւղն աւերելու լիաօտի դէմ և միևնոյն ժամանակ առանձին դրութիւններով բողոքել է հիւպատոսներին:

Պատգամաւորները երեկոյեան բանակից յետ դառնալով, յայտնում էին, որ Էյն-Դօվլէն հաւատացրել է, որ տեղեկութիւն չունի այդ մասին և կառկած յայտնելով ձիաւորների թնդանօթ ունենալու առթիւ, խոստացել է շուտով մարդիկ ուղարկել Մուժամբար և հրոսակներին հրամայել, կողոպուտները գիւղացոց յանձնելով, յետ քաշուել գիւղից: Նոյն խոստումներով վստահացրել է և ռուսական հիւպատոսարանի առաջին թարգմանին, որ կրկնակի բողոքներով էր ներկայացած եղել նրան. մէկը թեմական խորհրդի և միւսը ռուսահպատակ գիւղատիրոջ կողմից:

Պատգամաւորներն ի միջի այլոց պատմում էին և բանակի դրութեան մասին: Ըստ նրանց՝ զօրքի թիւը հասնում է մինչև 5000 բախախարի, Շահսուլան, Ղազուինի ձիաւորների: Նոր հասել են 400 կօզակ, 4 ռուս օֆէցէրներով: Զօրքը մի քանի արդարահարուած թնդանօթներ ունի: Էյն-Դօվլէի լիակումով,

Սահմանադրականներն ուշադրութիւնը այլ կողմ դարձնի և ուժերը ցրելով ու ջլատելով՝ քաղաքի վրայ յարձակում գործի։ Սահմանադրականները լաւ հասկանալով այդ խորամանկութիւնը, նրա նպատակն ի դերն հանելու աշխատանքը չեն զլանում ի դորժ դնել և շրջակաները փոքրաթիւ խմբեր են միայն ուղարկում. իսկ քաղաքի ծայրերի գիւղերը երբէք անպաշտպան չեն թողնում։

Խօսում են նաև Մակուի Սարգսի և Խզօ խանի մասդրութիւնների մասին. իբր թէ պարտութիւնների վրէժն լուծելու համար, ցանկութիւն ունին Դիլմանի վրայ յարձակուելուց յետոյ, նորից քաղաքի վրայ դալ։ Այսպէս թէ այնպէս միջնորդար դեռ վերջնականապէս պարզուած չը լինելով, ենթադրել է տալիս, որ նոր գէպքերի նախօրեակին ենք գտնւում։

Յ. Գ. Արում են, որ ռուսաց հիւպատոսի բազմի հիման վրայ Մարանդի խճուղին բացուել է ապրանքների փոխադրութեան համար։ Երեկ և այսօր այստեղից դէպի Կովկաս բեռներ են ուղարկուել։ Մասնաւորապէս ռուսահպատակներն քնտանիքներով քաղաքից հեռանալը շարունակում է։ Ոչխարային հետևողութեամբ, հայերից շատերն էլ փախչում են. . .

(Գ.)

2000 Ոսկիի պէտական նպասք.

Նախարարաց Խորհրդոյ որոշմամբ գրուած բլլալով Եւմուհան նախարարութեան, որպէս զի յանուն գաւառի կարօտելոց 2000 ոսկի տրուի, Եւմուհան նախարարն հաղորդած է Պատրիարքարանի որ 500 աւան օսկի վճարելով, մէկ ամսուան մէջ պիտի լրացնէ 2000 ոսկիի գումարը, և առաջին վճարումը, 500 ոսկի քրած է արդէն։ Այս գումարն յանձնուեցաւ Պատրիարքարանին, որ Քարակէօղեան դրամատունը թողուց ի պահ, անկէ մաս առ մաս գաւառները զրկելու համար։

Մինչև հիմայ Պատրիարքարանի միջոցաւ Պոլիս Եկող քաղթականներու 5000 ոսկի տրուած է, հետևաբար այս 2000 ոսկիի գումարն ամբողջովին պիտի յաւկացուի գաւառներու կարօտելոց։